

UNIVERZITET U SARAJEVU - ELEKTROTEHNIČKI FAKULTET

Broj: 01-1313/26
Sarajevo, 30.03.2026. godine

ZAPISNIK

sa 23. vanredne sjednice Vijeća Univerziteta u Sarajevu - Elektrotehničkog fakulteta,
održane 16.03.2026. godine s početkom u 14:00 sati, u sali S1
Univerziteta u Sarajevu - Elektrotehničkog fakulteta.

Od 57 članova Vijeća Univerziteta u Sarajevu - Elektrotehničkog fakulteta, sjednici je prisustvovalo 47 članova Vijeća Univerziteta u Sarajevu - Elektrotehničkog fakulteta.

Prisutni članovi Vijeća Univerziteta u Sarajevu - Elektrotehničkog fakulteta:



Odsutni članovi Vijeća Univerziteta u Sarajevu - Elektrotehničkog fakulteta:



Ostali prisutni:




Zasjedanje je počelo u 14:03.

Konstatovano je da sjednici, prilikom otvaranja prisustvuje 45 članova Vijeća Univerziteta u Sarajevu - Elektrotehničkog fakulteta s pravom glasa, odnosno da postoji kvorum za punopravno odlučivanje.

Sjednicom predsjedava dekan, [redacted]. Imenovani je otvorio sjednicu i pozdravio prisutne.

Na razmatranje je stavljen dostavljeni dnevni red. Riječ je zatražila [redacted] koja je izjavila da je dostavila prijedlog za izmjenu dnevnog reda i da traži da se radi po tom prijedlogu. Dekan, [redacted] je obrazložio razloge zbog kojih je dnevni red definiran na predloženi način, te je isti u tom sadržaju i stavio na razmatranje i odlučivanje.



Slijedom naprijed navedenog, Vijeće Univerziteta u Sarajevu - Elektrotehničkog fakulteta je većinom glasova od ukupnog broja članova (42 glasa za, 3 protiv i 0 suzdržanih od glasanja) usvojilo dnevni red u sadržaju kako slijedi:

DNEVNI RED:

1. Razmatranje Zaključka Senata Univerziteta u Sarajevu broj: 01-6-2/26 od 25.02.2026. godine;

TOK SJEDNICE:

Ad.1.

1.1. Povodom jedine tačke dnevnog reda, uvodno izlaganje je dao dekan, [REDAKCIJA] koji je obrazložio da je prema članu 158. Zakona o visokom obrazovanju, isključivo u nadležnosti Kantonalne uprave za inspekcijske poslove da utvrđuje zakonitost/nezakonitost odluka Vijeća, te da je zbog naprijed navedenog, imenovani i izvršio prijavu nadležnoj inspekciji kako bi se provjerilo postupanje Vijeća u završnoj fazi postupka sticanja naučnog stepena doktora nauka studentice [REDAKCIJA]. Nadležna inspekcija nije utvrdila nikakve povrede postupka, odnosno utvrdila je da je Vijeće postupilo u skladu sa članom 48. Pravila studiranja za treći ciklus studija, kojim je propisano da se izvještaj o toku i rezultatu odbrane podnosi vijeću na njegovo konačno usvajanje.

U 14:10 sati, sjednici je pristupio [REDAKCIJA] te od tog trenutka, sjednici prisustvuje 46 članova Vijeća.

Nakon uvodnog izlaganja, dekan, [REDAKCIJA] je otvorio diskusiju o predmetnoj tački dnevnog reda.

Za riječ se prvi javio [REDAKCIJA] koji je izjavio da želi da njegovo izlaganje u izvornom obliku („od riječi do riječi“) uđe u zapisnik.

Imenovani je izjavio da je članovima Vijeća u materijalima za elektronsku sjednicu koja je održana 26.01.2026. godine dostavljen prijedlog Odluke o usvajanju izvještaja o toku i rezultatu odbrane doktorske disertacije studentice [REDAKCIJA] da je ishod tog glasanja bio 13 glasova za, 31 glas protiv i 8 suzdržanih. Nama (misleći na članove Vijeća) je sada u materijalima za ovu sjednicu dostavljena Odluka o neusvajanju izvještaja o toku i rezultatu odbrane. Imenovani je izjavio da je ta odluka falsificirana i podmetnuta članovima Vijeća, konstatirajući da to nije prvi takav slučaj, pri čemu se, u ovoj situaciji Vijeće nikada nije izjašnjavalo o neusvajanju izvještaja o toku i rezultatu odbrane.

Od imenovanog je porukom elektronske pošte zatraženo da dostavi autorizirani tekst diskusije (zbog potpunosti i vjerodostojnosti njenog sadržaja), što imenovani do dana sačinjavanja ovog zapisnika nije učinio, te se u zapisnik unosi izvod iste kako je prethodno navedeno.

U 14:21 sat, sjednicu je napustio [REDAKCIJA] te od tog trenutka, sjednici prisustvuje 45 članova Vijeća.

[REDAKCIJA] je pojasnio razloge zbog čega nije moglo biti predloženo usvajanje odluke o neusvajanju (bilo čega generalno), kao i kakve bi posljedice bile da je dekan predložio takvu odluku u konkretnom slučaju.

U 14:23 sata, sjednicu je napustila [REDAKCIJA] te od tog trenutka sjednici prisustvuje 44 članova Vijeća.

[REDAKCIJA] je izjavio da smatra da je ovo što Senat Univerziteta u Sarajevu radi (misleći na sadržaj Zaključka Senata Univerziteta u Sarajevu) pravno nasilje nad članovima Vijeća Univerziteta u Sarajevu - Elektrotehničkog fakulteta.



U 14:27 sat, sjednici je pristupio [REDAKTIRANO] te od tog trenutka, sjednici prisustvuje 45 članova Vijeća.

U 14:29 sati, sjednicu je napustio [REDAKTIRANO] te od tog trenutka, sjednici prisustvuje 44 članova Vijeća.

[REDAKTIRANO] je izjavio da je Komisija jednoglasno donijela odluku da je studentica [REDAKTIRANO] odbranila doktorsku disertaciju, te da odluka Vijeća o neusvajanju izvještaja Komisije nije od uticaja na ishod odbrane predmetne doktorske disertacije, dovodeći svoju tvrdnju u kontekst sadržaja Zaključka Senata Univerziteta u Sarajevu.

U 14:32 sata, sjednici je pristupio [REDAKTIRANO] te od tog trenutka, sjednici prisustvuje 45 članova Vijeća.

Dekan, [REDAKTIRANO] je upitao prisutne da li bi neko od članova Vijeća želio predložiti sadržaj zaključka koji će Vijeće razmatrati.

[REDAKTIRANO] je tom prilikom izjavio da bi Vijeće trebalo donijeti zaključak kojim se konstata da je već razmatralo Izvještaj Komisije o toku i rezultatu odbrane doktorske disertacije imenovane kandidatkinje i donijelo odluku o istom, te da Senat kao i u prethodnim fazama sam nastavi započetu proceduru kako smatra da treba.

Uzimajući u obzir sadržaj prethodnih diskusija članova Vijeća, dekan, [REDAKTIRANO] je predložio da se Vijeće izjasni da li će postupiti u skladu sa Zaključkom Senata Univerziteta u Sarajevu.

Povodom naprijed navedenog, [REDAKTIRANO] je izjavio da je Vijeće usvojilo dnevni red koji glasi Razmatranje Zaključka Senata, a sada bi se postupilo suprotno dnevnom redu u slučaju donošenja predmetnog zaključka.

Nakon što je dekan, [REDAKTIRANO] zaključio diskusiju, predložio je da se Vijeće izjasni da li će postupiti po Zaključku Senata, te je Vijeće Univerziteta u Sarajevu – Elektrotehničkog fakulteta sa 3 glasa za, 35 glasova protiv i 7 suzdržanih od glasanja donijelo

ZAKLJUČAK

I - Odbija se postupanje po Zaključku Senata Univerziteta u Sarajevu broj 01-6-2/26 od 25.02.2026. godine.

II - Zaključak stupa na snagu danom donošenja i prosljeđuje se Senatu Univerziteta u Sarajevu.

Uzimajući u obzir da su neki od članova Vijeća u toku diskusije izrazili mišljenje da se predmetnim Zaključkom, Senat Univerziteta u Sarajevu mješa/upliće u nadležnosti koje su Zakonom o visokom obrazovanju, pa čak i Pravilima studiranja za treći ciklus studija jasno i isključivo propisane kao nadležnosti vijeća organizacione jedinice, da se takvim postupanjem zadire u autonomiju fakulteta, dekan, [REDAKTIRANO] je upitao da li neko od članova Vijeća ima prijedlog sadržaja zaključka koji bi se odnosio na ovo pitanje.

U 14:43 sati, sjednici je pristupio [REDAKTIRANO] te od tog trenutka sjednici prisustvuje 46 članova Vijeća.

U tom trenutku, neki od članova Vijeća su počeli napuštati sjednicu, uz obrazloženje da sjednica i rasprave predugo traju, vodeći računa da je na dnevnom redu razmatranje jedne tačke.

Nakon što je dekan, [REDAKTIRANO] zaključio diskusiju, predložio je sadržaj zaključka na usvajanje. Vodeći računa da je jedan broj članova Vijeća u toku diskusije napustilo sjednicu, prebrojani su glasovi/izjašnjenja za, protiv i suzdržani, te povodom



istog prijedloga dekana, [REDACTED] Vijeće Univerziteta u Sarajevu - Elektrotehničkog fakulteta većinom glasova od ukupnog broja članova (37 glasova za, 1 glas protiv i 2 suzdržana od glasanja) donosi

ZAKLJUČAK

I – Vijeće Elektrotehničkog fakulteta Univerziteta u Sarajevu izričito se protivi svakom pokušaju oduzimanja ili ograničavanja nadležnosti koje su ovom tijelu jasno i nedvosmisleno propisane članom 69. Zakona o visokom obrazovanju („Službene novine Kantona Sarajevo“, broj: 36/22 i 28/25). Vijeće naglašava da se svako postupanje suprotno navedenim zakonskim odredbama smatra nedopustivim i pravno neutemeljenim, te predstavlja direktno zadiranje u autonomiju fakulteta.


II – Vijeće Elektrotehničkog fakulteta protivi se svim oblicima pravnog nasilja koji se provode nad članovima Vijeća, a koji imaju za cilj uticanje na njihov rad, odlučivanje ili integritet.

III – Ovaj zaključak stupa na snagu danom donošenja, a radi informisanja i daljnje postupanja dostavlja se Senatu Univerziteta u Sarajevu, uz očekivanje da će isti u okviru svojih nadležnosti poduzeti odgovarajuće mjere u cilju zaštite zakonitosti i institucionalnog integriteta.

Sjednica je zaključena u 14:49 sati.

Zapisnik sačinila:

[REDACTED]



**PREDSJEDAVAJUĆI VIJEĆA
DEKAN**

[REDACTED]